

UGOVOR **o usluzi komercijalnog oglašavanja**

Zaključen u Sarajevu 06.02.2017. godine između:

Zavoda zdravstvenog osiguranja Kantona Sarajevo, ul. Ložionička broj 2 (u daljem tekstu Ugovorni organ), kojeg zastupa direktor Mr.sci.oec.prim.spec.dr. Samir Turković

i
J.P. „Televizija Kantona Sarajevo“ d.o.o. Sarajevo, Bulevar Meše Selimovića br.12 (u daljem tekstu Dobavljač), kojeg zastupa Mr. Elvir Resić, direktor.

PREDMET UGOVORA

Član 1.

Predmet ugovora je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem direktnog sporazuma za nabavku usluge komercijalnog oglašavanja na programima TVSA za potrebe Zavoda zdravstvenog osiguranja Kantona Sarajevo, a u skladu sa Odlukom o izboru najpovoljnije ponude broj: 03-08-E.Š.-3310-1-I-ODS/17 od 27.01.2017. godine, ponudom Dobavljača broj: PO-TVSA-088/17 od 25.01.2017. godine, Odluke o pokretanju postupka javne nabavke putem direktnog sporazuma broj: 03-08-E.Š.-3310-1-I-OP/1 od 24.01.2017. godine.

Član 2.

Predmet nabavke je usluga komercijalnog oglašavanja na programima TVSA za potrebe Zavoda zdravstvenog osiguranja Kantona Sarajevo sa vrstama i opisom usluge navedenim u sljedećoj tabeli:

PROGRAM	VRSTA I OPIS USLUGE
SARAJEVSKO JUTRO (spot „A“)	<i>Emitiranje spota do 20 sec. Emisija servisno-informativnog karaktera, koja se emituje svakim radnim danom u trajanju od 7:00 do 10:00. Najgledanija emisija TVSA koncipirana s ciljem izvještavanja svakog građanina Sarajeva o servisnim informacijama, dnevnim očekivanjima i aktualnim temama. Misija voditelja ove emisije je da se približe našim građanima, što se potvrđuje povjerenjem i to kroz sada već tradicionalno dobru gledanost.</i>
DNEVNIK/PR (spot „A“)	<i>Centralna informativna emisija TVSA, koja se emituje svakim danom u 18:30. Ovo je ujedno najgledanija emisija TVSA, koja to dokazuje pored ostalog i obilnim reklamnim blokovima prije samog Dnevnika od kojeg klijenti definitivno ne odustaju. Cijena sekunde je 12,00 KM, odnosno 15,00 KM tijekom vikenda. Obzirom da su usluge vašeg Zavoda od životne važnosti za žitelje kantona Sarajevo, nećemo se libiti da unutar centralne informativne emisije emitujemo sve krucijalne priloge ili teme.</i>

Aer  

OBAVEZE UGOVORNIH ORGANA

Član 3.

Dobavljač se obavezuje izvršavati uslugu koja je predmet ovog ugovora, koja kvalitetom i količinom u svemu odgovara karakteristikama preciziranim u Ponudi broj PO-TVSA-088/17 na način i rokovima regulisanim ovim Ugovorom.

Član 4.

Ugovorni organ se obavezuje da uslugu oglašavanja, ukoliko ista odgovara ugovorenom obimu i kvalitetu plati na način i u rokovima određenim u Odluci o prihvatanju ponude broj: 03-08-E.Š.-3310-1-I-ODS/17, ponudom dobavljača i ovim Ugovorom.

Dobavljač se obavezuje da će sve neispravnosti vezane za predmete nabavke otkloniti i izvršiti korekcije koja bi nastale ne namjernim oštećenjem ili iz nekih drugih opravdanih razloga.

Član 5.

*Cijena nabavke usluge koja je predmet ovog ugovora u trajanju od 1 (jedne) godine od trenutka potpisivanja Ugovora ukupno iznosi **5.997,50 KM** (bez PDV-a) (pethiljadadevetstotinadevedesetsedam 50/100 KM) odnosno **7.017,07 KM** (sedamhiljasedamnaest 07/100) (sa PDV-om) i uračunatim popustom. Dobavljač se obavezuje da će uslugu iz čana 1. ovog Ugovora isporučiti po jediničnoj cijeni kako je navedenio u sljedećoj tabeli:*

Emisija	Vrijeme emitovanja	Jedinična cijena u KM/sekundu
Sarajevsko jutro	7:00 h	3,00
Sarajevsko jutro	8:00 h	3,00
Dnevnik	18:25 h	12,00

Eventualno gostovanje ili snimanje priloga u ciljanoj emisiji može da bude zavisno od trajanja 10, 15 ili 20 minuta u maksimalnom iznosu do 1.000,00 KM odnosno u skladu sa cijenama iz ponude..

Član 6.

Dobavljač se obavezuje da emitovanje marketinških usluga vršiti na osnovu dostavljene ponude broj PO-TVSA-088/17 a koje se odnose na emitovanje jednog spota do 31.03.2017. godine i emitovanje drugog spota naredna tri mjeseca od dana potpisivanja Ugovora.

Nakon isteka pomenutih rokova, Dobavljač će nastaviti emitovanje spotova na osnovu dostavljenih potreba marketinga Zavoda do isteka ugovornih obaveza.

Član 7.

Dobavljač je upoznat i prihvata da u toku realizacije ugovora može doći do povećanja ili smanjenja količina usluga iz prethodnog stava, te da će ponuđač u slučaju povećanja obima usluge istu isporučivati po istim cijenama datim u svojoj ponudi, a u slučaju smanjenja da neće osporavati količinu koja bude realizovana, s tim da iste neće biti veće od 10% količine definisane u članu 5. unutar ukupne vrijednosti ugovora.

Član 8.

Cijenu iz člana 5. ovog Ugovora ugovorni organ će isplatiti u roku od 30 dana nakon izvršene mjesečne usluge i ispostavljene fakture i medija plana.

ROK VRŠENJA USLUGE

Član 9.

Dobavljač se obavezuje da će usluge oglašavanja vršiti sukcesivno (mjesečno prema ponudi) i zahtjevima Ugovornog organa do isteka ugovornih obaveza.

Član 10.

Dobavljač ima pravo na produženje ugovornog roka ako je u vršenju usluge u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotres, klimatski uslovi i sl.),
- mjere državnih organa,
- postupci trećih lica koje dobavljač nije izazvao svojom krivicom.

Dobavljač je dužan da Ugovorni organ pismeno obavijesti o svojoj namjeri da zbog navedenih okolnosti traži produženje roka.

Član 11.

Ako dobavljač zakasni sa vršenjem usluge, nema pravo na produženje ugovornog roka zbog okolnosti koje su nastale u vrijeme kada je bio u kašnjenju.

NAKNADA ŠTETE

Član 12.

Ugovorna strana koja neurednim ispunjenjem ili neispunjenjem ugovorne obaveze prouzrokuje štetu drugoj ugovornoj strani, dužna je da štetu naknadi prema važećim propisima i pravnim pravilima.



PRESTANAK UGOVORA

Član 13.

Ugovor sa izabranim dobavljačem se zaključuje do isteka ugovornih obaveza, odnosno 1 (jednu) godinu od datuma potpisivanja Ugovora.

Član 14.

Ugovor može prestati i prije njegovog izvršenja, u slučaju raskida.

Ugovorni organ može raskinuti ugovor:

- ako Dobavljač ne izvršava ugovorne obaveze u pogledu kvaliteta,*
- ako Ugovorni organ ne bude mogao da izvršava svoje obaveze iz ugovora,*
- ako je zaostajanje u vršenju usluge koja je predmet ugovora takvo da može dovesti u pitanje izvršenje ugovora.*

Zbog zaostajanja u vršenju usluge, Ugovorni organ može raskinuti ugovor samo ako je do zaostajanja došlo krivicom Dobavljača i ako je prethodno ostavio Dobavljaču naknadni primjereni rok za izvršenje ugovornih obaveza sa kojima je Dobavljač u zakašnjenju, pa ih ne izvrši ni u tom navedenom roku. Naknadni rok se ne ostavlja jedino kad Dobavljač izjavi da neće ili da ne može da izvrši ugovorne obaveze.

Član 15.

Ugovorni organ će raskinuti ugovor sa dobavljačem i ukoliko se ustanovi da ponuđena usluga koja je zadovoljila kriterije direktnog sporazuma nije jednaka usluzi koja je predmet ugovora.

Član 16.

Dobavljač može da raskine ugovor, ako Ugovorni organ ne izvrši ugovorne obaveze.

Ugovor se ne može raskinuti zbog neizvršenja neznatnog dijela ugovorne obaveze.



Član 17.

Ugovor se raskida pismenom izjavom koja se dostavlja drugoj strani. U izjavi mora biti naznačeno po kom osnovu se ugovor raskida.

OSTALE ODREDBE

Član 18.

Svi sporovi koji eventualno nastanu iz ovog ugovora rješavat će se međusobnim sporazumom ugovornih strana. Ako se spor ne riješi na taj način, ugovorna strana može se za rješenje obratiti stvarno nadležnom sudu u Sarajevu.

ABR  4
JK 

Član 19.

Ponuđač kojem je dodijeljen ugovor nema pravo zapošljavati, u svrhu izvršenja ugovora fizička ili pravna lica koja su učestvovala u pripremi direktnog sporazuma, najmanje šest mjeseci po zaključenju ugovora, odnosno od početka realizacije ugovora.

Član 20.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakon o obligacionim odnosima.

ZAVRŠNE ODREDBE

Član 21.

Sastavni dio ovog ugovora su:

- Prihvaćena ponuda Dobavljača broj:PO-TVSA-088/17 od 25.01.2017. godine,
- Odluka o privatanju ponude broj:03-08.E.Š.-3310-1-I-ODS/17 od 24.01.2017. godine.

Član 22.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

DOBAVLJAČ
P. TELEVIZIJA
KANTONA SARAJEVO d.o.o.
TVSA
Mr. Elvir Resić

UGOVORNI ORGAN
Zavod zdravstvenog osiguranja
Kantona Sarajevo
Mr. sci. oec. prim. spec. dr. Samir Turković

Broj: 01-428/17
Datum: 06.02.2017g.

Broj:03-08-E.Š.-3310-UG/16
Datum: 06.02.2017. godine.